

SCRIPT OF MORNING GOJRI NEWS BULLETIN 16MAY 2025 1015HRS

مارننگ گو جری نیوز بلیٹن مورخہ 16 مئی 2025

یوہ آکا شوانی جموں ہے محمد اکرم تیں خبر سنو۔

CM MEETING

وزیر اعلیٰ عمر عبداللہ نے گزشتہ روز سرینگر مانہ سیاحت گا اہم شراکت داراں نال ایک میٹنگ کی صدارت کی اس دوران اُننے حالیہ ناساز گار حالات گا معنہ مانہ ضبط مانہ سیاحت و اثر پین گے چلتیں اُن گا مسال سنیا تے سیاحت مانہ اگے بدن واسطے رستا لوژنور سوچ وچار کیو میٹنگ مانہ صوبائی کمشنر کشمیر افسر جنرل پولیس کشمیر تے سیاحت گا سیکرٹری سمیت دوجا سیاحت غا مشہور شراکت دار موجود تھا میٹنگ مانہ موجود شراکت داراں نانہ خطاب کرتا واں وزیر اعلیٰ نے خط مانہ سیاحت نانہ پھر تیں بحال کرن واسطے سوچ وچار نال تے جانچ منصوبہ تیار کرن و زور دتو اُنہاں نے تجویز پیش کی کہ اس سال کی شری امرناتھ جی یاترہ گا اختتام گے بعد محکمہ سیاحت کی بحالی کی حکمت عملی تیار کی جے اُنہاں نے کہیو جے پیکج نانہ ہوٹلاں ہاوس ہوٹس شکارہ دستکاراں نانہ تعاون فراہم کرنو چاہیے اُنہاں نے کہیو جے ڈپٹی غی طرز و منفرد خریداری تہوار جیسا اختراعی ماڈل دریافت کیا جیں۔

DY CM VISIT

نائب وزیر اعلیٰ سریندر چوہدری نے لگاتار دوجے تہارے و سرحد پار توں گولہ باری گا اثرات غو جائزو لین واسطے نوشہرہ حلقہ گا تقریباً 15 گرایاں گو دورو کیو اُنہانے سرحدی علاقہ مانہ رہ رہیا لوکاں کی طرفوں غیر متزلزل حمایت تے حکومت گا عزم گو اظہار کیو یوہ دو روزہ دورو سرحد پار توں گولہ باری گا حالیہ واقعات گے پیش نظر کیو گیو جس گو مقصد زمینی صورتحال گو جائزو لینو تے متاثرہ خانداناں نال گل بات کرنو سمیت موقع و عوامی شکایات گر ازالو کرنو ہے اپنا دورہ غے دوران نائب وزیر اعلیٰ نے تباہ شدہ مکانات گو معائنو کیو تے گولہ بارے سنگ متاثرہ خانداناں نال ملاقات کی اُنہاں نے سرحدی بازنداں نال یقین دوايو جے حکومت اُن کی حفاظت تے فلاح و بہبود واسطے پوری طرح پُر عزم ہے۔

RANA LOC VISIT

جل شکتی غا ویزر جاوید احمد رانا نے گزشتہ روز قبضہ لکیر غے قریب دیہات غو دورو کیو تے اُت رہن آلا بہادر عوام غا حوصلہ نانہ سہرايو جاوید احمد رانا نے مسلسل تیجے تہارے وی قبضہ لکیر و متاثرہ علاقہ گو دورو کیو تے مقامی لوکاں تیں ملاقات کی اُنہاں نے بچاں تے بزرگاں و جاری کشیدگی غو اظہار کیو تے زور دتو کہ اُن غو دکھ تے زہنی دباؤ نانہ کم کرن واسطے فوری توجہ تے مدد غی ضرورت ہے۔

TIRANGA YATRA

بھارتی فوج تیں یکجہتی تے حب الوطنی غا جذبہ غا طور و گزشتہ شام جموں مانہ تقریباً 10 ہزار جزباتی شہریاں نے ایک بڑی ترنگا یاترا مانہ جوش و خروش غے نال حصولیو آکاشوانی جموں گا نمائندہ غے مطابق یوہ پروگرام سیٹیزن فار نیشنل سکیورٹی غے زیر اہتمام

منعقد کیو گیو۔ یاترا غو آگاز اندھرا چوک غا جے ڈی اے پارکنگ تیں ہوتا واں پریس کلب جموں اختتام پزیر ہوا۔ شرکاء نے قومی پرچم لہرایا تے جے ہند وندے ماترم تے انڈین آرمی زندہ باد غا نارہ لایا تے ملک گا سپاہیاں واسطے اپنی بھر پور حمایت غو اظہار کیو اس موقع ور سماج غا مختلف طبقات تیں تعلق رکھن آلا افراد اہم رہنما سابق فوجی افسراں مزہبی شخصیات تے مختلف سماجی تنظیمیں گا اراکین بڑی تعداد مانہ شریک ہوا۔

CS

چیف سیکرٹری اٹل ڈلو نے گزشتہ روز کشتواڑ جلع غو دورو کیو تانجے ۲ برا پن بجلی منصوبیاں غو جائزو لے سکیں۔ جن مانہ 850 میگا واٹ ریٹل پن بجلی پروجیکٹ تے 390 میگا واٹ ڈل حستی پن بجلی پروجیکٹ شامل ہے۔ ریٹل پروجیکٹ ور جناب ڈلو نانہ سلاڈ شو غے زریوے منصوبہ غی موجودہ صورتحال تیں آگاہ کیو گیو۔ اس تیں بعد چیف سیکرٹری نے ڈل حستی بجلی سٹیشن غومچا اینو وی کیو اُنہاں نے این ایچ پی سی، سی وی پی ایل۔ تے ایچ او پیز کشتواڑ غا تمام بجلی پروجیکٹاں گا سربراہاں غے نال میٹنگ وی کی۔

SCHOOLS

سکولی تعلیم گا ڈل ریکٹر جموں نے اعلان کیو ہے جے جموں صوبہ غا تمام سرکاری تے تسلیم شدہ نجی سکول جھیڑا اجیں نہیں کھولیا ہیں اے 19 مئی 2 ہزار 25 نانہ کھول دتا جیں گا آکاشوانی جموں غا نامہ نگار نے رپوٹ دتی ہے کہ زونل ایجوکیشن افسراں نانہ ہدایت جاری کرتا محکمہ نے حفاظتی انتظامات ور سختی نال عمل کرن ور زور دتو اس دوران تعلیمی اداراں گا سربراہاں نانہ کیو گیو ہے جے وے مقامی انتظامیہ تے قانون نفاذ کرن آلی ایجنسیاں گا نیڑماں تال میل مانہ ریں تاکہ با حفاظت تے ہموار سکول کھولن گی کاروائی یقینی بنائی جاسکے۔

DISTT ADMIN POONCH

ضلع پونچھ غی انتظامیہ نے گولہ باری تیں متاثرہ افراد غی مدد واسطے کئی اقدامات شروع کیا ہیں تانجے عوام غو اعتماد بحال وے۔ ایک اہم قدم غا طور ور رپوٹ ٹو سپورٹ مہم شروع کی گئی ہے جس غے زریعے متاثرہ لوک وٹساپ ور اپنا نقصان غی اطلاع دے سکیں تانجے فوری جائزو لے غے مدد دتی جاسکے انتظامیہ نے دیہی سطح ور کمیٹی تشکیل دین گو فیصلو کیو ہے تانجے زمینی سطح ور نقصانات غو مکمل جائزو لیو جاسکے۔ اسی دوران ڈپٹی کمشنر وکاس گنڈل نے گزشتہ روز متاثرہ خانداناں مانہ امدادی سامان ور تقسیم کیا۔
